

UJY1

B B647 DEB  
MAHATHIR - KERJASAMA

ALOR SETAR, 17 OGOS (BERNAMA) -- PERDANA MENTERI, DATUK SERI DR MAHATHIR MOHAMAD, MALAM INI MENASIHATI PARA PENGGUBAL UNDANG-UNDANG, PEGAWAI EKSEKUTIF KERAJAAN DAN KEHAKIMAN SUPAYA BEKERJASAMA DEMI MELICINKAN PENTADBIRAN NEGARA BAGI MEMBOLEHKAN RAKYAT MENIMBA FAEDAH MAKSIMUM DARIPADANYA.

KETIKA BERUCAP PADA MAJLIS MAKAN MALAM ANJURAN BARISAN NASIONAL (BN) NEGERI DI MENTALOON, KEDIAMAN RASMI MENTERI BESAR KEDAH, PERDANA MENTERI BERKATA KETIGA-TIGA CABANG PENTADBIRAN ITU HARUS BERHATI-HATI TERHADAP PERCUBAAN GOLONGAN TERTENTU MENJEJASKAN KERJASAMA TERSEBUT, BAIK UNTUK TUJUAN POLITIK MAHUKAN ATAS SEBAB-SEBAB LAIN.

BIARPUN WUJUD PERBEZAAN-PERBEZAAN DALAM MENJALANKAN TANGGUNGJAWAB Masing-masing, KEADAAN TERSEBUT TIDAK PATUT MENGHALANG KERJASAMA ERAT ANTARA MEREKA, KATANYA.

MEREKA TIDAK PATUT LEMAH SEMANGAT SEKIRANYA SESUATU YANG KURANG DISETUJUI MEREKA TIMBUL TETAPI SEBALIKNYA, BERUSAHA Mencari jalan untuk mengatasi masalah itu.

KETIKA MENEKANKAN SOAL KERJASAMA DAN SALING BERGANTUNGAN, BELIAU BERKATA, BIARPUN SIKAP RAKYAT ADALAH PENTING DALAM MENCAPAI KEMAJUAN, KEMAJUAN ITU TIDAK MUNGKIN TERCAPAI TANPA BANTUAN DAN KERJASAMA PARA PEGAWAI KERAJAAN. -- LAGI

2326MST 17 08 87

B B649 DEB  
MAHATHIR - KERJASAMA 2 ALOR SETAR

PARA PEGAWAI KERAJAAN HARUS MELAYAN PERMINTAAN WAKIL-WAKIL RAKYAT DENGAN SEGERA DAN SAKSAMA, KATANYA.

JIKA PERMINTAAN-PERMINTAAN PARA WAKIL RAKYAT ATAU PEMIMPIN POLITIK TIDAK DIBERI PERHATIAN SEGERA, RAKYAT AKAN MENJADI RESAH DAN INI AKAN MEMPENGARUHI NASIB PARA WAKIL RAKYAT YANG MENGHADAPI PILIHAN RAYA SETIAP LIMA TAHUN.

+KEADAAN INI BERBEZA DENGAN PARA PEGAWAI KERAJAAN YANG HANYA DITEMUDUGA SEKALI SEUMUR HIDUP MEREKA,+ KATANYA.

BELIAU JUGA BERHARAP PARA PEGAWAI KERAJAAN DAN WAKIL RAKYAT AKAN TERUS BEKERJASAMA UNTUK MEMASTIKAN KELICINAN PENTADBIRAN NEGARA SERTA KEMAJUAN BAGI RAKYAT.

PIHAK KEHAKIMAN PULA AKAN MELAKSANAKAN KEADILAN BAGI RAKYAT DAN SEMUA ORANG MESTI MEMATUHI UNDANG-UNDANG ITU, KATANYA. -- LAGI

2341MST 17 08 87

B B650 DEB  
MAHATHIR - KERJASAMA 3 ALOR SETAR

SEKIRANYA SEMUA PIHAK, TERUTAMANYA GOLONGAN EKSEKUTIF DAN PENGGUBAL UNDANG-UNDANG, MENERUSKAN USAHA MEREKA MENGUKUHKAN PERSEFAHAMAN DAN KERJASAMA SESAMA SENDIRI, MALAYSIA AKAN MENIKAMTI KEMAJUAN YANG LEBIH PESAT LAGI, TAMBAHNYA.

PERDANA MENTERI BERKATA, SETAKAT INI KERJASAMA YANG ERAT MEMANG WUJUD DAN KERANA ITU, NEGARA TELAH DAPAT MENCAPAI KEMAJUAN DAN PEMBANGUNAN. -- BERNAMA

2342MST 17 08 87